

## AngajukKaunet Tilitjigutinga

**PitsatuKannimik Ilanginnik Nunatsiavut kavamangata suliaKatinginnik Atitâgigiamut  
Kinugautinik Akilesongugiamut**

**Tâna AngajukKâk Nunatsiavummi, uKautjigiattausimanimminut Nunatsiavut  
AngajukKaunet katimajingit, Kuviasuju Kajusititsigiamut imâk:**

### **Naittuk Taigusik**

**1**

Tâna AngajukKaunet Tilitjigutinga pijaugunnatuk uKattauluni *Atitâginimmut Pitsatunik  
Tilitjigutingani.*

### **Pitsatuninga**

**2**

Tâna AngajukKaunet Tilitjigutinga sakKititauvuk atâgut nallasimajuk ilagiagutimmi 69(4)-ami  
*kenaujalignimmut Aulatsinimmut PikKujak.*

### **Tukitanga**

**3**

(1) UKauset atutaujut iluani tâtsumani AngajukKaunet Tilitjigutingani taimâtsainak  
tukiKavut iluanettuni *kenaujalignimmut Aulatsinimmut PikKujak* tavatuak asiagut  
uKattaupat.

(2) Tâtsuma tilitjigutinganejut:

“sikkit” ilaujuk sikkit, kenaujait, tuavittukut Kagitaujatigullonet âjaumajut  
asinginnigulonet adjjigalangit satusataugunnatut atujaujot;

“Tullia Ministariup” tukiKavuk ilingatitaujumi iluani *Nunatsiavut kavamangata  
ÂkKitaumaninga (Nogiasinimmut) PikKujak;*

“Pisongujuk SuliaKattik” uKajuk suliaKatiujumut Nunatsiavut kavamanganut tâna  
pitsatuniKattitaujuk tâtsuma Tulliatâ Ministariup atâgut allasimajumi 5(4)(a)-mi  
atitâgisongugiamik Kinugautinnik;

“Aulatsijiup/kamajiup” tukilik suliaKatiujumik Nunatsiavut kavamangani allasimajumi  
ilagiagutimmi B-mi;

“Aulatsijet SuliaKapvingani” tukiKajuk ilingajumi iluani *Nunatsiavut SuliaKattet SuliaKajut PikKujak*;

“Ilagiagutimmi A-mi” tukilik âkKitaumajumi Ilagiagutimmi A-mi tâtsuma tilitjigutingani uKajunik suliaKatiujuit Nunatsiavut kavamangani tâkkua pitsatuniKattitaujut atitâgigiamut Kinugautinnik akilesongugiamut atâgut allasimajuk ilagiagutimmi 69-ami tâtsuma *kenaujaliginimmut Aulatsinik PikKujak*;

“Ilagiagutimmi C-mi” tukilik âkKitaumajumi Ilagiagutimmi C-mi tâtsumunga tilijaugutingani uKajunik sulianginnik suliaKatiujuit Nunatsiavut kavamangani pigunnatut atitâgigiamut sikkinnik atâgut allasimajonni 69-ami 73-milu tâtsuma *kenaujaliginimmut Aulatsinik PikKujangani*.

- (3) Tâkkua Ilagiagutet ilijaumajut tâtsumunga tilitjigutinganut atuatausongullutik ilauKatautillugu tâtsuma tilijaugutingani.

#### **Atuttauninga**

4

- (1) PitaKappat kisiani iluani ilagiagutenni (2)-mi (3)-milu tâtsuma tilitjigutingani ilingangituk Kinugautinnut akilegiamut aullasimannimmut akilittusimajanginnulonet.
- (2) Tâna AngajukKâp Tullia angigialik Kinugautinnik akilesongugiamut aullasimanimmud akilittutausimajunillu atuttausimajunik atuttaugialinnilonet kiggatuttiujunut Nunatsiavut AngajukKauningita katimajingita.
- (3) Malilluni allasimajumik (2)-mi, tâna kenaujaligijik pitsatuniKattitauvuk âtsigiamik atuttaugialinnik sakKititsijunik maligatsanik malitaugialinnilu pitjutiKajunik Kinugautinnik akilegiamut aullasimanimmud akilittusimajanginnulu.

#### **PitsatuniKattitaunik Atitâgigiamut Kingautinnik**

5

- (1) Tâkkua inojut Kangaulimmat suliaKapvimeKattatut allataumajumi iluani Sanigâni I-mi Ilagiagutiup A-mi pivitsaKattitaulikKut atitâgigiamut Kinugautinnik akilegiamut pijunit Angitaumajunit akilenimullu atâgut Kaitaumajunut kenaujatsailonnet angitutiniujut, malillutik ungumautiKajunik malittaugialinnilonet allataumajuni iluani sangigânetuni II-mi III-milu Ilagiagutimmi A-mi.
- (2) PitaKappat kisiani iluani ilagiagutimmi (3)-mi Kinugautiujuk angittaugialik inummut pitsatuniKattitaujop atâgut allasimajummi (1)-mi.

- (3) Tâna kenaujaligijik pigunnatuk, imminik pilluni, pikKujigunnatuk atitâgigunnalunilonnet Kinugautimmik akilittaugialimmik:
- (a) angittausimajumik atâgut, ilaKatillugulonnet ilanganik, angittausimajumik kenaujatsamik,
  - (b) pijaugialimmik tikitauniakKonimmilonnet atâgut aittutaunimmik Kaitaujumillonet angiutinimmik.
- (4) Tullia Ministariujop
- (a) malilluni ungumautiKajuni iluani Ilagiagutiup A-mi, pikKujigunnaluni suliaKattimik Nunatsiavut kavamangata atitâgigiamut Kinugautinnik pitjutiKajunik ilingatsiatunik pivitsaujunut, sakKititaugialinnut amma/ubvalu pivitsanut;
  - (b) kamagialik mânnaujuk allasimajunik Pisongujunik SuliaKattinik pivitsaujunillu, sakKititaugialinnik pivitsanillu takkununga pivitsaKattitaujut atitâgigiamut Kinugautinnik, tâkkunani Kaujisautini âjaugialik kenaujaligijimmut.

#### **PitsatuniKannik Aititâgigiamut Sikkinik**

6

- (1) Tâkkua inuit Kangaulimmat suliaKapviujuniKattatut allataumajuni Sanigâgut I-mi Ilagiagutimmejumik C-mi atitâgigunnatut sikkinik tigujaumajunit kenaujanniavimmit Nunatsiavut kavamangata malilluni ungumautinnik malittaugialinnilonnet allataumajuni iluani sanigânetut II-mi III-millu Ilagiagutimmi C-mijumi.
- (2) Malilluni maligatsaujunik malittaugialinnik atâgut allasimajumi (3)-mi, inuk atitâgigunnatitaujuk sikkinik atâgut allasimajuk ilagiagutimmi (1)-imi atitâgigunnatuk Kagitaujattigut atitâgilluni.
- (3) Tâna kenaujaligijik sakKititsigialik maligatsaujunik malittaugialinnilu atusonginnik atuttauningik Kagitaujattigut atitâginnimik kamatsialunilu siammatitaungininginnik.

#### **AngajukKâp Tullia ininganegunnatuk kenaujaligijiup**

7

SuliaKapvinga kenaujaligijiup inuKangipat, kenaujaligijillonet suliaKagunnangippalonnet suliaKapvimini kenaujaliginimmik, tâna Tullia AngajukKâp pigunnaniattuk pigunnalunilu pisongugiamik atitâginnimik kenaujaligijitut atâgut allataumajonni 5-imi 6-imilu taitsumani inuKanginganut pigunnanginninganulonnet.

## Ilagiagutik A tanna Atitâgisongunnik Pitsatunet Tilijigutingani

SuliaKatiujuit Nunatsiavut kavamangani atitâgigunnatitaujut Kinugautinnik akilegiamut akilitaugialinnik atâgut allasimajummi 69-ami tâtsumani kenaujaliginimmut Aulatsinik PikKujak

<b>Sanigânetuk I Sulianga Taigusingalonnet</b>	<b>Sanigânetuk II kenaujat Atusonga</b>	<b>Sanigânetuk III kenaujalitângitunik Malitaugialinnik KakKutaugiaKangitullonet</b>
Nunatsiavut kenaujaligijinga	UngumautiKangituk sakKititaumajop tâtsuma tilitjigutiup	MalittaugutiKangituk KakKusiutiKangitullonet sakKititaumajumi tâtsuma Ilagiagutiup.
kenaujaligijik	UngumautiKangituk sakKititaumajumi tâtsuma tilitjigutiup	MalittaugutiKangituk KakKusiutiKangitullonet sakKititaumajumi tâtsuma Ilagiagutiup.
Tullia Ministariup	UngumautiKangituk sakKititaumajumi tâtsuma tilitjigutiup	Tâna pisongunik ungumautinga: (a) Tullia Ministariup angisimagialinga SuliaKapvingata kenaujatsangani; (b) akilitaujuni atâgut ikajotimmut kenaujallonnet angitunimmut aulataujumut Tullia Ministariup SuliaKapvingani.
SuliaKattet Aulatsijet SuliaKapvingani asiagut Tullingita Ministaret	Tikiutisot \$5,000-tut niuviatuammik tikiutisollonet katingajunik \$15,000-tut katillugit	Tâna pisongunik pivitsaKattisingilak pisigiamik akilinnik pitsaujunik ungumautiKallunilu: (a) suliaKatiujop suliaKapvingani kenaujanginnut; (b) akilitaujullu atâgut ikajotimmut kenaujallonnet angitautasimajuit aulataujunut suliaKattiup suliaKapvingani.
Aulatsituk/kamajuk	Tikiutisok \$2,500-tut niuviatuammik tikiutisongullunilonnet \$10,000-tut katillugit	Tâna pisongunik pivitsaKattisingilak pisigiamik pitsaujunik ungumautiKalluni lu ilingajumut suliaKapvigijaujop kenaujanginnut suliatsaujullonet atâgut Kaitaumajop ubvalu angitunikkut angitunimmut ilingatitaujuk inummut kamagialimmut.
Pisongujut SuliaKattet	Tikiutisok \$1,000-tut niuviatuammik	Tâna pisongunik ungumautiKavuk suliatsaujunut pisongunik SuliaKapviujumut Tulliatâ Ministariup atâgotitauluni suliaKattiup kamagialingita.
Ikajuttet SuliaKattet (Aulatsinimmut Kagitaujaligijellu)	Tikiutisok \$500-tut	Tâna pisongunik ungumautiKavuk: (a) ilingajuni Aulatsinimmut suliaKattet, pisisongugiamut suliaKapvimi atuttaugialinnik kâffinik aullatitsigiamut; (b) ilingajunullu Kagitaujaligijet suliaKattigit, pisisongugiamut Kagitaujannik aullatitsigiamullu.

## Ilagiagutik B tâkkununga Atitâgigiamut Pisongunik Tilitjigutinga

SuliaKattet Nunatsiavut kavamangata uKautaujut “Aulatsituk/kamajik”

Itsasuanilitaligijik
Aulatsijik kenaujaliunimmut
Suliagijaujumik Aulatsijik
Sugusinnik Aulatsijik
Nunaliujuni Inositsiagitotitsinimmut Aulatsijik
Ilinianimmut Aulatsijik
Avatiligininimmut Kaujisannik Aulatsijik
Aulatsijik kenaujaliginimmut
Ogannianimmut Kaujimajillagi
SuliaKattinut Aulatsijik
IBA-nik Aulatsijik
Sivulittik Piulimatsinimmut kamajik
Nunanik Aulatsijik
UKausinnik Aulatsijik
Isumatsiaginimmut Aulatsijik
NIHB-kut Aulatsijik
Pivitsanik Aulatsijik – Inuit Pathways & Post-Secondary Student Support Program
Pigijaujuni Aulatsijik
Kaujisattik/kamatik
Kaujisattik Aulatsijik
NiKiligijinnut SuliaKattik Kaujititsijik
Ikajunnikut Omanimmut Aulatsijik
Ikajutigejuit Sivullitet
Omajuliginimmut Aulatsijik

**Ilagiagutik C tâtsuma Atitâginimmut Pisongunnik Tilitjigutinga**

SuliaKattet Nunatsiavut kavamangata pisongujuit atitâgigiamut sikkinik atâgut allasimajuk ilagiagutimmi 69-ami 73-imilu tâtsuma kenaujaliginimmut Aulatsinik PikKujak

<b>Sanigânetuk I Sulianga Taigusingalonnet</b>	<b>Sanigânetuk II Keanujat Ungumautingit</b>	<b>Sanigânetuk III kenaujalittângit Malittaugialet Ungumautellonet</b>
Nunatsiavut kenaujaligijinga	UngumautiKangilak sakKititaumajumik tatsumunga kajusititaujumut	Tâna pisongunnik atuttaugunnatuk kisiani atitâgiKataujiugiamut suliaKattigiallamut allataumajumi Sanigânettumi I-mi.
kenaujaligijik	UngumautiKangilak sakKititaumajop tâtsuma tilitjigutingani	Tâna pisongunnik atuttaugunnatuk kisiani atitâgiKataujiugiamut suliaKattigiallamut allataumajumi Sanigânettumi I-mi.
Tullia Ministariup SuliaKapvingata Inositsiagitotisigasuanimut Pivalliatitsinimmulu	UngumautiKangilak sakKititaumajop tâtsuma tilitjigutingani	Tâna pisongunnik atuttaugunnatuk kisiani atitâgiKataujiugiamut suliaKattigiallamut allataumajumi Sanigânetop I-mi ungumautiKallunilu pivitsaujunut, sakKititaugialinnut akilitausimajunnulu SuliaKapvingata Inositsiagitotisigasuanimut Pivalliatitsinimmulu.
Tullia Ministeriup SuliaKapvingata Ilinianimmut amma kenaujaliunimmut Pivalliatitsinik	UngumautiKangilak sakKititaumajumik tatsumunga kajusititaujumut	Tâna pisongunnik atuttaugunnatuk kisiani atitâgiKataujiugiamut suliaKattigiallamut allataumajumi Sanigânetop I-mi ungumautiKallunilu pivitsaujunut, sakKititaugialinnut akilitausimajunnulu SuliaKapvingata Ilinianimmut kenaujaliunimulu Pivalliatitsiningaa.